



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-2-40-043-6/25**
Datum: **22.04.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica KJP "Sarajevo-šume" d.o.o. Sarajevo za ispuštanje oborinskih onečišćenih voda sa lokacije mini dizel stanice (pretakalište, manipulativni i parking prostor) koja se planira graditi na zemljištu označenom kao k.č. broj: 793 K.O. Gajevi, općina Ilijaš, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Daje se vodna saglasnost pravnom licu KJP "Sarajevo-šume" d.o.o. Sarajevo za ispuštanje onečišćenih voda u upojni bunar sa lokacije mini dizel stanice (pretakalište, manipulativni i parking prostor) koja se planira graditi na zemljištu označenom kao k.č. broj: 793 K.O. Gajevi, općina Ilijaš, u skladu sa projektnom dokumentacijom:
 - Glavni projekat: Projekat vanjskog uređenja sa tehničkim rješenjem sistema za prikupljanje, tretman i ispuštanje otpadnih voda sa lokacije rezervoara na zemljištu označenom kao k.č. br. 793 K.O. Gajevi, Općina Ilijaš.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva i čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o navedenoj prethodnoj vodnoj saglasnosti:
 - 4.1. Radove na prikupljanju, prečišćavanju i ispuštanju oborinskih onečišćenih voda sa asfaltnih površina benzinske stanice izvesti u skladu sa ovjerenom projektnom dokumentacijom iz tačke 1. ovog Rješenja.
 - 4.2. Način ugradnje separatora i stavljanje istog u pogon uskladiti sa uputama proizvođača opreme u svim fazama.
 - 4.3. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
 - 4.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 4.6. Sve kolizije sa postojećim infrastrukturnim objektima (autocestom, elektroinstalacijama i sl.), na lokalitetu na kojem će se vršiti predmetni radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
 - 4.7. Podnosilac zahtjeva je obavezan ispoštovati uslove iz Urbanistička saglasnost izdato od strane Službe za prostorno uređenje i zaštitu okoliša općine Ilijaš, broj 05/1-19-2853/22, od 20.12.2022. godine. i Urbanistička saglasnost (izmjene) izdato od strane Službe za prostorno uređenje i zaštitu okoliša općine Ilijaš, broj 05/1-19-3324/24, od 17.01.2025. godine.
5. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Investitor je obavezan uzroke štete otkloniti, a procijenjenu štetu nadoknaditi.

6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za ispuštanje oborinskih onečišćenih voda sa lokacije mini dizel stanice. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH” broj: 31/15, 55/19, 41/20 i 63/22).
7. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
8. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
9. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.

Obrazloženje

Pravno lice KJP "Sarajevo-šume" d.o.o. Sarajevo se pismenim putem obratio ovoj Agenciji sa zahtjevom za donošenje rješenja o vodnoj saglasnosti za ispuštanje oborinskih onečišćenih voda u upojni bunar sa lokacije mini dizel stanice (pretakalište, manipulativni i parking prostor) koja se planira graditi na zemljištu označenom kao k.č. broj: 793 K.O. Gajevi, općina Ilijaš.

U prilogu zahtjeva podnosilac je dostavio slijedeću dokumentaciju:

- Aktuelni izvod iz sudskog registra izdat od strane Općinskog suda u Sarajevu broj 065-0-RegZ-24-016034 od 26.12.2024. godine - ovjerena kopija,
- Uvjerjenje o poreznoj registraciji od 24.07.2008. godine izdato od strane Kantonalnog poreznog ureda u Sarajevu - kopija,
- Urbanistička saglasnost za izgradnju betonskog platoa i postavljanje dva rezervoara za gorivo kapaciteta 9m³, izdata od strane Službe za prostorno uređenje i zaštitu okoliša općine Ilijaš, broj 05/1-19-2853/22, od 20.12.2022. godine.-kopija,
- Urbanistička saglasnost (izmjene)- za izgradnju mini dizel stanice za internu upotrebu, izdata od strane Službe za prostorno uređenje i zaštitu okoliša općine Ilijaš, broj 05/1-19-3324/24, od 17.01.2025. godine.-kopija,
- Saglasnost za postavljanje cisterni za gorivo u mjestu Gajevi izdato od strane JKP Vodostan Ilijaš, broj 853/22 od 21.04.2022. godine-kopija
- Dopis Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo broj: 05.03/2-19-5425-1/25 od 06.03.2025. godine,
- Glavni projekat, Projekat vanjskog uređenja sa tehničkim rješenjem sistema za prikupljanje, tretman i ispuštanje otpadnih voda sa lokacije rezervoara na zemljištu označenom kao k.č. br.793 K.O. Gajevi, općina Ilijaš,
- Dokaz o uplaćenju upravnoj pristojbi (uplatnica), od 03.07.2024. g., u iznosu od 60,00 KM

Nakon uvida u dostavljenu projektnu dokumentaciju utvrđeno je:

Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti i Rješenje o urbanističkoj saglasnosti-dopuna i nije u koliziji sa interesima sektora voda).

Odlukom općinskog vijeća Ilijaš o zonama sanitarne zaštite i zaštitnim mjerama za izvorište „Vrutak” („Službene novine KS: 44/15) utvrđene su IV zaštitne zone zaštite izvorišta vode za piće u cilju zaštite pitkih podzemnih voda koje se planiraju koristiti za potrebe vodosnabdjevanja. U zonama III i IV se popuštaju određene aktivnosti uz standardne mjere zaštite. Objekat mini dizel stanice se planira graditi u IV zoni i KJP "Sarajevo-šume" d.o.o. Sarajevo je dobio saglasnost od JKP Vodostan Ilijaš za postavljanje cisterni za gorivo uz strogo poštivanje člana 13. stav 2. i 3. Odlukom općinskog vijeća Ilijaš o zonama sanitarne zaštite i zaštitnim mjerama za izvorište „Vrutak” („Službene novine KS: 44/15).

Objekat mini dizel stanice (pretakalište, manipulativni i parking prostor) planira se graditi na zemljištu označenom kao k.č. broj: 793 K.O. Gajevi, općina Ilijaš.

Na predmetnoj lokaciji planirana je izgradnja mini dizel stanica (pretakalište, manipulativni i parking prostor) sa dvije cisterne za dizel gorivo zapremine po 9m³, koje se smještaju u metalne tankvane sa pratećom opremom.

Na lokaciji planirane gradnje mini dizel stanice nastaju oborinske onečišćene vode.

Oborinske onečišćene vode sa pretakališta, manipulativnog i parking prostora prikupljati će se putem slivnika sa slivnom rešetkom, te internom kanalizacionom mrežom odvoditi do tipskog separatora ulja i naftnih derivata i preko okna za monitoring ispuštati u upojni bunar.

Projektna dokumentacija, dostavljena uz zahtjev, urađena je od strane pravnog lica „Zavod za vodoprivredu“ d.d. Sarajevo, decembar 2024. godine, godine koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-1/21-1-40-441-8/22 dana 29.11.2022. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: „Glavni projekat: Projekat vanjskog uređenja sa tehničkim rješenjem sistema za prikupljanje, tretman i ispuštanje otpadnih voda sa lokacije rezervoara“ na zemljištu označenom kao k.č. br.793 K.O. Gajevi, općina Ilijaš, broj: ZZV-KN-GP-1028, decembar 2024. godine, urađen od strane „Zavod za vodoprivredu“ d.d. Sarajevo.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uvjetima načinu izdavanja i čuvanja vodnih akata koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60, 00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Prilog:

Glavni projekat: Projekat vanjskog uređenja sa tehničkim rješenjem sistema za prikupljanje, tretman i ispuštanje otpadnih voda sa lokacije rezervoara na zemljištu označenom kao k.č. br.793 K.O. Gajevi, općina Ilijaš, broj: ZZV-KN-GP-1028, decembar 2024. godine, urađen od strane „Zavod za vodoprivredu“ d.d. Sarajevo.

Po ovlaštenju
Rukovodilac sektora za izdavanje
vodnih akata



Dostaviti:

- KJP "Sarajevo-šume" d.o.o. Sarajevo, ul. Maršala Tita 7/II, 71000 Sarajevo (prilog)
- Ⓞ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava